



Ma wüschd anand an „Guto Tag“
und dänkt sä gär nid viel dobei.
As ischt z' Nacht zwölfä, uf-o Schlag,
do Tag, dar guot, ischt eotz vorbei.

Wer blös für uon Tag wüschd uom 's Guot,
däs zwor mit nid viel Dänko tuot.
dar i'gschränkt Gruoß ischt wahrhaft gföhrlä,
was söll as mit dem Rescht von Jöhrlä.

Uon Tag ischt viel, viel z'schneoll vorbei,
wenn d' muonscht, dass er ou guot gsi sei.
Dar bescht Wusch hüß mit Siocherheit:
„a reocht, reocht guote Ewigkeit!“



(ASP500-26.03.2008)



Dozuo ischt a jeds Jubiäum ou do,
ganz ufrichtig i sä seolb inä zum goh.

As ischt nid a jedem im vorinä gio,
vo iohm selb a-n-ehrligä Muonung zum hio.

I giob minä Schwecha ou zuo u'omwundo:
hio so, wio ou andrä, nid 's Pulver arfundo.

Däs ischt zwor ou d' Stiorkä, dio viel gär nid händ,
wo däs mit dem Pulver nid zuogio sä wänd.



(ASP501-26.03.2008)


Ma ka do Herrgott nid verstoh,
warom ar blos heat d' Lüt arschaffo,
as het 's jo ohne ios ou to,
ar heat jo gschaffo g'hio scho d' Affo.

Wio d' Lüt amol scho doda siond,
lot er 's ou numma hänko,
do Herrgott seit sä seolb, i fiond,
I söttit 's lehro dänko.

Eotz aber haeat do Luzifear,
der gottvardamnt Kog, gleit sä quear,
ischt uf d' Idee die tüflisch ko,
ma künnt do Mensch seolb dänko lo.
Und ganz gnau so ischt-as ou ko.

As ischt do Mensch roß mangelhaft,
vo seolb, ar 's nid zu vielom bringt,
dem Teifol z' tratz ar 's gad no schafft,
dass er no a ... „Hosanna“ singt,





Do Geoldautomat

(ASP503-17.04.2008)

Do Hanseorg murgsat halb varruckt
am Automat bi-n-a n' ar Bank,
heat alle Knöpf uf zmol scho druckt;
kut mit deom Kaschtozüg nid z' rank.

Do Hanseorg heat alluo scho 'blogat,
dass iohn der saublöd Kaschto frogat,
ob er vielleicht gär Spanisch ka;
as ob ma iohm däs nid süch a.

Dromm druckt ar d' Tschto Korrektur.
Eotz kut in Gang a Prozedur.
Do Hanseorg üobt sä i Geduld,
dänkt, i bio eh a allem schuld.

Ar focht das ganz vo nöüom a;
bis doda her ar 's jo scho ka.

Eotz hoast as iohn do Cod' i'gio.
Sin Cod', zum Glück, vergioßt ar nio.
As ischt sin Johrgang, blös verkehrt:
eotz jo nid falsch, sus ischt alle gschpert.

Eotz no O-Kej, hei luo-g-as goht,
O-Kej, luo-g-Englisch ar verstoht.

Ar söt eotz i'gio, ganz usführlä,
wioviel ar hei behebe wello,
ou ufgstücklata künn natürlä
do Kaschto d' Euro ussarzello.

Do Hanseorg kün, stoht schwarz uf wieß
füfhundert Euro z'mol abhola.
Ar heat ou glei scho do Bewies,
im Schlitz siohscht-os scho ussar trola.

Eoatz wohl, do Hanseog heat 's kapiert,
heat fufmol hiondranand u'glogo
uf 's Nöü do Vorgang usprobiert;
heat 's Konto kreftig überzogo.

Am nöschtö Tag, arfahro hio-n-ä,
heat iohn do Bankdirektor bstellt
und heat iohm si Problem arzellt,
ar kün bi iohm kuon Euro hio mä.

Do seit do Hanseorg: „kuo Problem,
i ka eotz 's Geold seolb ussar lo,
däs ischt. wio d' Bank seit, sau bequem,
dromm muoß i numma zöü dir ko“.



(ASP503-17.04.2008)

D' Logistik ischt die hoakligscht Sach.
I wart blös druf, bis im a Krach
die ganz Vertoalung bada goht
und ohne z' Eoßot d' Weolt do stoht.

Wenn as 's halb Züg zmol numma git,
wil d' Zuostellung am Bodo lit,
wenn niomig kriogt mä Meohl und Salz,
nid colestrinarms, künschtis Schmalz,
wenn d' Südfrücht uf-om Mart uslond,
wil d' Flügar, wo ios bringond, stond,
wenn 's Fleisch us Südamerika
verweoso-n-ischt, vor as kut a,
wenn Büxo-Stappel z' End siond gango,
und ohne Vorrot bioscht, afango,
dänn muoscht di selber macha stark.

A(I)s Seolbst-Versorgar bioscht autark.

Eoatz hoäßt-as wieder Grumpra stecke,
si tätond besser eh uom schmecko,
a(I)s dio schleocht gen-verändrat War
vom Merkur, Metro oder Spar.

Eotz hoäßt-as wieder Haso meschto,
seolb Henna halto ischt am beschto,
im Gartobett do Türgo düngo,
do oagno Moscht mit Woach verdünno.

Eoatz hoäßt-as wieder Buschla füra,
statt importiertea Brennstoff, türa.

Am bescht ischt, wenn z'fuß ma goht
wil 's Auto-n-ohne Sprit eh stoht.

Eotz hoäßt-as wieder bio eosso,
die ganz Chemie kascht eotz vergeosso,
ou ischt as huomilig, ma ka
spazioro-n-uf or Autobah.
Eotz zoagand sä die Grüno, wahro,
Verkehr ischt numma 's Auto fahro.

Eotz hoäßt-as wieder d' Omweolt schuona,
Kaffee us Oachla, nid uns Buona,
wo us do iormschta Länder kond,
döt wo sä d' Lüt verhungra lond.

Eotz hoäßt-as wieder seolb sä wehro,
a klälä husa und entbehro,
dem Nochbur beistoh, wenn as goht,
dass er di ou nid hänko lot.

Eotz hoäßt-as mitanand 's Vertrouo
für d' Weolt, die besser, wieder z' bouo;
d' Logistik bout ma wieder uf
und kut ganz gwioß bald wieder druf:

As git alls wieder, wio bisher,
wo niommt d' Weolt blos d' Arfahrung her.




(ASP504-25.04.2008)




Högschtä Zit

(ASP505-19.05.2008)

Eotz ischt-as langsam högschtä Zit,
dass ma dem Grampo d' Sporo git.
As künt am End sus z' letscht no si,
as schloft do Gaul am Weog uom i.
Am reocht i'gsetzto Druck as hangat,
ob as zu vordra Blätzo langat.
Mit gär z' lang d' Zügel hängo lo,
würscht z' letzt i 's Ziel noch Torschluß ko.
Heoscht 's Roß verwöhnt, arkenno muoscht,
dass d' iohm und dir kuon Gfallo tuoscht.




(ASP505-19.05.2008)




's Fußball-Mätsch

(ASP506-16.06.2008)

Bi Fußball-Mätscher kut as vor
Die Schwechoro, sie schüßond Tor
und dio, wo schöner spieland kuonä,
däs siond die Üsrigon-all, muon-ä



(ASP506-1606.2008)



Mohro-Bier

(ASP507-04.07.2008)

Do Hanseorg heat sä d' Knü ufgschüorft
uf a-n-ar rucho Schoder-Stroß;
vermuota tuot ar seolber roß,
dass 's Mohro-Bier dra schuld si düorft.

As lot iohm sina Sturz kuo Ruoh,
ar bschließt dorgegot eopas z' tuo.
Ar übergit d' Sach akkurat
a-n-a 'ma g'schickto-n-Affokat.

Do-n-Anwalt zoagat schnurstrax a
alls, wer für Hanseogs Rofa ka:
und däs siond d' Stroßsomoaschtere
und no meh, d' Mohro-Brouarei.

Do Richtar rüoft in Zöügostand
vo Hanseorgo d' Kumpano.
Vier siond arschiono mitanand,
nid uonna ohne Fahno.
Do Richtar warnat pflichtgmäiß d' Zügo,
dass strafbar wär für d' Zügo 's Lügo.

As muont dar erscht, iohm sei nid nöü,
dass 's Mohro-Bier uom schada töü.
Do Würt hei mit kuom Wort iohm gseit,
dass ma nid zecho Bier vertreit.

„Herr Rat“, händ diosä heilig gschworo,
„mir händ däs scho bim nüto g'schporo,
dass eopas nid ganz reocht sie künnt.
Drom hä 'mor 's Bier mit Schnaps verdünnt“.

Do Mohro, vor-o Richtar glado,
woaßt scho, wio däs bin Grichter ischt,
schickt sina beschto Husjurischt;
as künnt z' letscht gio an lmitsch-Schado.

Zu 'ma Vergliech do Richtar rot.
Do Hanseog mit sä reda lot.
Wenn iohm und ou do-n-andra vier
do Mohro g'hörig Bier spendier,
künnt er do Schmerz verziecho;
denn künnt ma sä vergliecho.


Do Mohro sieht a Geschäft entstoh.
will uf-o Handel i ou go;
do Hanseorg und die flichto vier
uf am Plakat ... mit Mohro-Bier,
a-n-alkoholfreis, ka ma dänko,
do Hanseorg gad am Schumm i'schänko.
Dorzuo gnuo Freibier, zecho Johr,
das alkoholfrei eobo zwor.
An Star wür Hanseorg obadri,
däs müoßt iohm d' Rofa wert gsi si.

Do Affokat möcht sä beroto.
Das „alkoholfrei“ zwifla lot-o.
As het si 's zwor do Mohro g'richt,
und kuo Partei verlürtit 's Gesicht.
Blös Hanseorgo mioßfallt dio Gschicht:

„Herr Rat“, seit Hanseorg ... „i verzicht!
I trink halt künftig Fohro,
und pfief uf deonar Mohro!“



(ASP507-04.07.2008)



Normal

(ASP509-10.07.2008)

Wio söll i 's blös arkläro glei ?

Verrucktä git as vielarlei.


As isch blös no das Guot dorbei,
dass jeda muont, dass er 's nid sei.

Wenn d' jeden a dir seober mioscht,
du ganz normal ou seolb nid bioscht.

Mit andrä Näschä näsch si lo,
kuscht seolber du no guot dervo.



(ASP509-10.07.2008)



landuf landab

(ASP509-19.07.2008)

Landuf, landab ma höro ka,
dass ma do Doarobiorar ma,
dass gmüotlä ar und ehrlä sei,
dass 's Herz am reochto Fleock ar hei.
Vom Doarobiorar 's Tuo und Lo
hoafst, ganz uf oagna Füoßo stoh.
An Guzg Humor und Witz an Schuß
und Scharm hei ar im Überfluß.
Ar ischt dorzuo ou no bekannt
a(l)s frei und reocht und tolerant.
Ou dass ar praktisch sei, as hoafst,
will ar sä seolber z' heolfot woafst.
Politisch stoht ar zimlä gnau
dion zwüschot schwarz und rot und blau,
sympatisiert sogär mit grüo,
tuot kuom z' roß weh und kuom gär z' schüo,
ar ischt sogär ou Monarchischt,
wo uf-o Fürscht mit Reocht stolz ischt.
Wenn d' Sunno hiondrom uffar diecht,
ar seolb sä mit am Grof vergliecht.
Ar seit grad ussar, was ar dänkt,
obwohl ar eopa niomig kränkt;
ischt kulturell roß schwer uf Damm,
ar sugagt 's Schüo uf wio an Schwamm,
ischt wif, nid übergschied, blös schlau,
an Tupfo Farb im Altagsgrau.

As ischt, bigotsch, nid übertriobo,
wenn d' Süoßlar wörond so beschriebo:
Landauf – landab 's Land farblos blüb,
wenn d' Doarobiorar as nid güb.



(ASP509-19.07.2008)

witerblättera tuot ma mit z'ruckblättera,
woascht scho,
links domma



zurück

Dänn kuscht witer !
Logisch, oder ?